



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In festo S. Ignatii Societ. Jesu.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

tem quia cum sis sapiens stultum es secutus, ita fit, carnem stultam sequimur, & perimus, atque etiam ipsa temporalia amittimus. Laur. Justinian. de Agone cap. 7. *Facile quisque quod acquisivit amittit, si non vocatus se inconsulte exponat.* Ad quam sublimem statum Dominus vocavit Jacobum cum illi eundem calicem quem ipse bibiturus erat, dedit, & quomodo illum Jacobus ebidit, &c.

### In Festo S. Annæ.

**E**odem modo DEUS mundum reparavit, ac creavit. Initio mundi creavit DEUS cœlum & terram, initio reparationis Joachim & Annam. Ille cœlum, Philip. 3. *Nostra conversatio est in cœlis.* Anna licet non minus sancta, terra est, de qua egressa est Virga de radice Jesse. Terra erat vacua & inanis, Anna sterilis. Tenebræ fuerant super faciem abyssi, utriusque tristitia. Spiritus Domini ferebatur super aquas: ad lacrymas utriusque missus Gabriel qui illos consolatus. Dixit DEUS, fiat lux. Nascatur Filia in qua non erunt tenebræ peccati. Vidit DEUS lucem quod esset bona, B. Virgo bona est omnibus.

### In Festo S. Ignatii S. JESU

**S**icut Benjamin inter Fratres minimus fuit, ita Religio fundata à S. Ignatio minimam se appellat. Benjamin natus inter maximos dolores Matris, Societas inter maximam Ecclesiæ afflictionem quam passa propter hæreses. In Benjamin fisco absconditus calix ex quo solebat augurari Joseph. Figura Christi fuit Joseph, hic in Societate abscondit suum calicem, ut non pateat aliis licet sit. Sed tamen ille est calix ex quo Joseph augurari

gurari solébat. Videmus quid Ignatio, quid ejus societati sit auguratus hic Joseph, scilicet Christus.

Auguratus imprimis Sancto profundissimam humilitatem. Unde Sanctus audacter dicebat. A nullo sibi minus vitio timere quàm à vanitate, interea tamen tam attentus fuit ne quid in ejus laudem redundaret, ut dum ejus Confessarius coram aliis aliqua de illo gloriosa dixisset, non amplius illius operâ usus. Confessarius ille optabat ut saltem unâ horâ superviveret S. Ignatio; qui de illo possêt admiranda quædam dicere, favet DEUS Ignatio quia citius ille Confessarius mortuus. Plane agebat Sanctus ut S. Paulus, certus hic fuit de sua prædestinatione, tamen *Castigo corpus meum*, &c. Certus Sanctus de humilitate, tamen omnia abscondebat. Antequam fundaret societatem ostendebat suas virtutes in mortificationibus, cum eam fundavit, abscondit, si certus de suâ humilitate, ergo felicior quàm David qui numerando populum lapsus in superbiam. Excusat Davidem Ambr. *Quid miramur semel lapsum & eo peccato quo Angeli lapsi?* Igitur Angelis firmior Ignatius, superbiunt multi ut Nabuchodonosor. Nonne hæc est Babilon. quam feci? nonne hoc meum opus, &c. Omnis lapsus origo superbia, quòd aliquis deveniat ut sit veluti bestia in moribus, ex superbia est, ut patet in Nabuchod. Unde ira? ex superbia, cur me iste contempfit?

Societati id auguratus. *Nomen meum erit in te*, cum quis admittitur in familiam nobilem ut eo nomine possit gaudere, etiam gaudet viribus. Hinc revelavit S. Teresiiæ & S. Francisco Borgia non damnandos eos qui in Societate morentur. 2. Revelavit S. Magdalena de Pazzis quòd eo tempore nulla religio fuerit sanctior. 3. Revelavit Cordubæ cuidam Moniali quæ vidit cujusdam & Societate Fratris animam in cœlum duci ab Angelis, & Christum illi euntem obviam, quòd taliter  
singuli

singuli qui in Societate moriuntur in coelum inducantur. 4. P. Henricus Garnettus in Anglia pro fide occisus, vidit quod B. Virgo totam Societatem suo pallio protegeret. 5. Landulfus Carthus. & Hugo Victoria qui vixerunt ante Societatem, asserunt omnes, ut in terra à Christi Christianos, ita in coelo à JESU dicendos Jesuitas, & quod in coelo nomen novum ceteri expectant, jam Societas habet in terra. 6. Quod quem calicem bibit Societas, eundem sibi porrigi ab hominibus Christus censébit. Dum è carcere Romano abiret Petrus, occurrit illi Christus, suam reputavit. Dum S. Ignatius iret Romam, apparuit illi Christus spinis coronatus, crucem portans, & dixit. Romæ vobis propitius ero. Ait Ambr. Orat. ad Auxentium, ubi supra citatum de S. Petro historiam adduxit. *Christus non poterat iterum crucifigi, intellexit ergo Petrus quod iterum Christus esset Crucifigendus in servulo. Nam si illius cibus erat ut faceret voluntatem Patris, idem cibus illius est ut nostris passionibus epuletur.* S. Ignatius hoc ipsum intellexit de afflictionibus quas erat passurus, sed in eo Christus patitur. 7. Quando DEUS S. Paulum vocavit in Societatem Filii sui, ut ipse loquitur, dixit de eo. *Hic portabit nomen meum coram Gentibus & Regibus, &c.* Bellum susceperat David contra Amalecitas, dum eos prosequitur invenit quendam Ægyptium infirmum, & illo ductore vicit hostes. Christus Ægyptium Ignatium, Ægyptios vocat S. Antonius & alii mundanos, reperit infirmum ex vulnere in arce Pampelonensi, eo ductore debellat mundum. Et istæ sunt stellæ. 7. in manu Christi, ut est in Apoc. & istæ dum post mortem corpus S. Ignatii transferretur visæ sunt tumbam prosequi. Occurrunt nobis monstra ut Goliath, difficultates, meminimus nomen Domini esse nobiscum. Puer David in nomine Domini dejecit Goliath. Christiani sumus, in nomine JESU superavit Ignatius difficultates. Videntur quædam nostras vires

vires superare, sed solem stetit Josue sive JESUS. Basil. hom. de transfigar. *Sol stetit ob reverentiam tanti nominis*, *Gloria Musica* Josue dejecit Muros Jerichontis, & hoc est in nomine JESU agere. Alterum est pro JESU pati. Josue non vocabatur JESUS, sed filius Osee, donec Deut. 18. Jussu Moysis fuisset cum Amalecitis pugna congressus, in quod Origen. *Hic primo audio nomen JESU ubi magna oportet facere*. Sed & agendum & pauca dum in JESU, hoc est, in ejus gratia propter JESUM, non nostram gloriam querendo. Cum aliquid facturi sumus, cogitemus an nos hoc JESUS facere juberet? inebriari, &c. juberetne? Sancti eligebant sibi aliquod symbolum, quod veluti nauæ in mari Cynofurram respiciebant. S. Franciscus Seraphicus, *Noverim me, noverim te*. S. Franc. Xav. *DEUS meus & omnia*, &c. Ego suaferim eligatis. *Itane JESUS egit?* hoc S. Ignatius habuit, nam in ejus vita scribitur. *Si duo æque gloriam DEI respiciunt, &c. Eligerem illud in qua plus est contemptus, ut similis JESU fierem*. Hic jam moderemini, hic me sprebit, hic contumeliâ affecit, &c. Itane JESUS egit cum illi similia contigerunt.

### De Eodem.

**E**X tribus solent æstimare sanctitatem alicujus, ex mortificatione sui tam quoad interna quam quoad externa: ex donis DEI & miraculis: ex magnis laboribus pro DEI gloria. Hæc omnia in S. Ignatio abundè fuisse ostendo. In primis quoad mortificationem corporis, præstitit id quod præstare potest homo, jejunavit 4. 6. aut etiam octo diebus continuis nullum sumendo cibum aut potum, jejunavit toto anno in solo pane, aquâ, præter dies Dominicos, quibus aliquid herbæ cinere conditæ addebat, pro cingulo usus spinis, pro lecto

K

lapide